

湖海樓詞集

冊四

8338



湖海樓詞集卷十七

宜興陳維崧其年著

和州戴本孝務旃

弟維岳緯雲

涇陽任

璣訛庵

宗石子萬參閱

宛平米漢雯紫來

選

崑山葉一鵬萬九

姪賜薛校

三姝媚

寄遠用梅溪詞韻

柳線吹碧瓦記纔傾別酒汨同鉛灑低拍蕭娘等吳
楓紅了再來簾下詎料而今折挫煞游梁司馬辜負
伊家轎上瓊簪麝涙綃衩况是關河旅夜數長短
更聲甚時方罷斜壓紅裯曾化爲蝴蝶此歡無價恰
又平明好夢與釤花都謝擬倩錦箋論恨懨懨難寫
紀半塘所見同緯雲弟次山姪用湘瑟詞韻
重來偏寂寂算疎闌輕塵粉纖曾拭兩兩雛鬟記茜
衫小露水邊門側弄影凝粧誰耐理綉床刀尺閒盼
山塘細續金輿往來得得再向橋陰繫席只半艇

烟昏千簷雨滴此際蘭闈定雙擁金鳧換吹鉏笛眼
底吳娃枉自詡嬌紅膩白其奈又經過處斷無消息

萬年懽

贈宋子猶先生七十次朱致一原韻

碧海青天歎橫江下瀨樓櫓非昨貝闕龍堂彈指緝
宮乾却槍臥綠沈休拓任半世鳳飄鸞泊閒排纂世
史長編朱黃細界疆索菰蘆景略誰知向窗前諷
唄肆上丸藥老興淋漓一笑人間輕薄身亦北山猿
鶴只一語臨風相託囁渭水好把綸竿藏舟且付春
塗

壽毛卓人

猿鶴相聞說先生今歲正滿花甲又值秋晴門外金
風颯颯鶴背朝元薄醉笑人世滄桑一霎游仙倦暫
溷紅塵何妨僑保相雜當初竹林贈答記分攜阮
屐爭荷伶鋤詎料栖鳥別後繞枝三匝誰識開元舊
事只除是碧簫紅蠟君須醉莫負黃花糟床琥珀新
壓

解語花

詠美人捧茶和王元美韻

蕃馬屏風雛鶯庭院竹下茶聲細粧樓小倚闌干外
汲取春流淺試乳花銀葢烟裊上綠鬟千縷溜橫波
鑪火初紅儘帶嬌憨意 捧處輕搖蟬髻問阿誰年
少消受纖指珠鮮玉脆語笑處故惹檀郎驚起沉香
亭婢只領略凝酥佳麗怎如伊生小江南偏解旗槍
味

詠美人捧觴和王元美韻

楚天卵色吳地鶯聲惹得愁千斛春衣慢贖且泥他
粉白斟來蟻綠蓮鈎小蹙行過了銀屏六曲蟬烟鬟
縹色杯輕帳裏圍頽玉 笑顰流蘇影簇怪佯醒不
醒罰依金谷玉郎低囁沉醉也休作難人題目芳心
暗逐羨杯底鴛鴦同宿趁花酣雙抱紅籌圖取春眠
足

吳靜安姑丈堂中閨蘭盛開約同人過賞時

有二校書在座

玉堂窈窕珍簾虛無細壓真珠櫂蘿陰石罅隨風皺
一帶迴廊曲榭暗中香瀉列翠盃輕扶紅架羨高情
楚畹湘潭助幽人消夏 萬朵珠承雪亞更花邊淺
立人比姑射鬢蟬低卸微微喚處不數海天冰麝裏來
盈把總罨住竹房茶舍倩繁絃併鼓猗蘭將晚涼亂
惹

鳴高弟昔年曾與一年少爲狎游昨偶遇市
上而此年少已不復相識歸而悵然因記
昔年都下緯雲弟曾宿一北里某家明日
拉余暨魯望跡之而此伎驚問誰何亦漫
不相記憶與此事絕相類因作此詞用調
鳴高他日緯雲見此定復一軒渠也

柳花似夢鶯語初圓人遇章臺下舊愁繁惹記曾與
宛轉風軒水榭金丸拋灑佯不認隔年司馬恨無情
惆悵歸來擬碎揉花打 因記杜陵元夜有春衣醉
宿肌沾冰麝重來繫馬誰提起昨夜月中私話揚州
夢假煩寄語嬉游小謝任盈盈露井倡桃向粉箋休

寫

渡江雲

江南憶同雲臣和蘧庵先生韻

江豚翻碧浪憑高極望折戟半沉沙鷄籠山下路記
得鳳城數十萬人家炤蟬掩映鐘山翠疊鼓鳴笳更
參差青溪紅板從古說繁華堪嗟齊臺梁苑殘月
微風剩頽墻敗瓦祇蒼涼半林楓槲四壁龍蛇幾番
夜向寒潮泊空城下浪打蒹葭青衫濕隔船同訴天涯

揚州感舊追悼西樵荔裳伯籲介夫諸先生
并懷阮亭豹人穆倩定九舟次無言諸公
揚州何限好無情江水送去渺天涯風流推宋玉更
有烏衣門第舊瑯琊珠簾璧月賓徒盛多少繁華記
當年水樓烟郭滿地采蓮娃傷嗟一城畫鼓兩岸
紅燈共萬家鴛瓦都付與風彫菰米浪打蘋花牧之
已老青樓換重經過帽側簷斜風定處隔江隱隱琵琶

送葉道子之任臨清守府

一鞭飛錦繖鳳城南去紅杏着花初建牙男子事千
騎東方送爾上頭居碧油幢捲碾輕車小獵平蕪風
流甚茸茸綠草淺映綉蝥弧愁予庾郎善賦江令
工文任憑陵今古總輸與軍中陶侃江上周瑜何時
玉靴元戎隊劈黃獐爛醉酡酥毛錐子問伊直一錢
無

送蔣京少下第游楚次儲廣期原韻

向長安市上仰天長嘯悔殺彩爲毫月明無賴極又
炤征南萬將赤霜袍掉頭仍向瀟湘去去採離騷算
裏樊幾般往事一半屬孫曹舟搖天低滴黛竹瘦
凝斑任崖傾峽倒恨茫茫一軍鐵甲九派銀濤潯陽
夜火黃州雪應爲我徙倚無聊吾衰矣漫勞送上雲

霄

欲雪

碧翁將試手趁春未到要放一城花關河都凍紫風
慘雲昏冷色走龍沙籠窗撥火料寒威來早還加簾

櫺外未曾飄瞥吟興已無涯
山家當年此日枯柳疎鴉
小柴門入畫恰又是梅邊渡暝鴈底航斜玉塵
休擬廉纖舞念有人新在京華凝盼處預愁綠蟻難
賒

絳都春

乙巳元夜

春宵三五正碧雲合處冰輪斜挂暗省年光漫數韶
華偏沾惹平生舊事都忘也難忘是鳳城鴛瓦無燈
無火有花有月偶然吟寫此夜追歡買笑有天街
似水暗塵隨馬詎料而今幾陣東風譙樓下吹去了
香車羅帕春衣卸思量如乍且尋故老開元月明閒
話

念奴嬌

雲間陳徵君有題余家遠閣一闋秋日登樓
不勝蔓草零烟之感因倚聲和之

得憐堂後有丹樓飛起當年爭羨陽夏明庭能詠絮
那更溪山葱蒨帶兩房櫺和烟簾幕零亂東湖面碧

闌干裏有人斜映瓊扇 可惜人去匆匆而今樓下
秋水帆如箭老我三吳好男子綠鬢忽然衰踐蔓草
霜濃叢祠露悄白晝鷓鴣現舍南舍北亂飛王謝家
燕

附錄眉公先生原詞

陳定生建遠閣以娛 宮保公寄此題之

白頭宮保學東坡老子盤桓陽羨登閣攜兒同眺
遠點點峯巒葱蒨玉女烟橫銅官雪霽濃淡開生
面誰拈畫筆荆溪圖在紈扇 敦息周處英雄斬
蛟射虎背劍腰弓箭俠氣干霄人不見變作椎埋
下賤雨驟風憊狂霆休歇畢竟青天現闌干倚遍
雕梁閒話雙燕

與任青際飲

乾坤颶颶且沽將楓葉細評今昔笑問幽州今夜雪
可似羈裘寒色市上吹簫橋頭賣醬淚灑吳楓赤蘇
貂空黑謝郎今已破賊 不如冶葉倡條青樓白社
磨滅人年月漸盡并刀悲壯血看有何人憐惜白草

關河黃沙唐宋只對孤鴻說醉澆三國周郎江岸千
尺

題顧螺舟小影

如此佳人是王家養炬謝家渴未三世貂蟬連北闕
年少東華釋褐傅粉宮前薰香殿側顧盼真英發臨
春結綺舊游似有瓜葛而今零落堪憐文園多病
贏得相如渴滿目關河愁恨極衰草濃烟塗抹醉矣
堪呵灰兮可溺田也供人奪芒芒哀樂四條絃子空
撥

緯雲第三十作此詞因和其韻同半雪賦

醉拍闌干歎去者苦多光陰倏忽知我平生悲憤事
惟有當頭明月淮揚騎鯨不然射虎一吐胸中鬱吳
鈎負汝好將衫袖頻拂追想紅燭呼盧青樓賭酒
往事推華閥小季已稱三十歲何況暮年黃歇斜閣
秦箏橫攤越絕燒盡爐中柟憑高遠望江流一縫如
髮

送子萬弟攜五弟之睢陽并令一一第二第三第四

弟同和他日一展齊紈便成聚首也

悲哉秋也况登山臨水黯然欲別千里長江流夜月
萬里長城空闊白板船開青楓樹老極目徒悲切君
歸梁苑漢家何限陵闕 疊昔讓棗推梨謝家兄弟
才氣人爭說一夜西風吹蒼莽吹散封胡遏末兄作
楚囚弟成秦賚枕上鶻啼血阿龍超甚教他長誦明
發阿龍五弟小名時同四弟在睢陽

附和韻

維嶧

故園兄弟正秋冬之際殊難爲別幾陣西風吹鴈
冷日暮雲連天闊此去平臺夢回水榭相憶情空
切離筵宴罷舉頭霜月初缺 最憐早歲親士零
丁孤苦堪與何人說潦倒一編予漸老悵望同枝
天末客舍如家家鄉如客淚也都成血囑渠自愛
榜師無奈催發

維岳

溪臨罨畫奈聚首幾時又成離別迢遞他鄉千里
路縱有音書遼闊白鴈黃花纔過重九對景增淒

切參差雲樹望中誰是伊闕 最是第北兄南忽
匆判袂辛苦如何說笑指阿龍年最小小此是吾家
謝末誨育成人莫耽嬉戲不負駒名血乾坤蒼莽
慎旃車揭風發

宗石

蓼莪罷詠歎兄南弟北頓成離別一夜西風驅斷
鴈月冷後湖空闊千里睢陽三更梁苑夢裏思鄉
切悲來欲語口中無限幽闕 幸喜故國重來對
床風雨細把離情說毀卵破巢多少恨贏得孤身
天末倏忽春深無端秋盡看盡楓成血扁舟江上
可憐明又將發

龍眠公坐上看諸客大合樂記丁酉中秋曾
於合肥公青谿宅見此今又將十年矣援
筆填詞呈龍眠公并示樓岡太史邵村侍

御與三孝廉

醉來闌入正司空筵上一羣腰鼓老子婆娑牀上坐
瞿鑠聽歌似虎一片西風千堆畫燭月好青輝苦回

頭往事青溪舊夢重作 謝公笑問兒郎此間何處
略記隋堤路老矣廉頗猶健飯莫負紅幺翠羽人在
當場曲逢入破白髮休予侮新磨幡綽世惟公等堪
語

次夜韓樓燈火甚盛仍聽諸君絃管復填一

闋

紅燭如山請四筵滿座聽儂撾鼓此日天涯謀作達
事更難于縛虎僕本恨人公皆健卒不醉卿何苦金
元院本月明今夜重作 總是狎客南朝佳人北里
占斷蕪城路好景也知容易散一別沉鱗羈羽狂受
人憎醉供人罵老任雞姬侮揚州燈火明朝人定傳
語

乙巳中秋用東坡韻寄廣陵諸舊游

月明如此問江山今古幾多陳迹誰把桂輪今夜裏
碾破楚天新碧玉白無聲銀河有影一片清虛國醉
餘莫笑舊游吾尚歷歷 記得杜牧司勳江湖落拓
曾作揚州客愛殺打頭天上月管甚中秋七夕一別

淒然吾生可惜塌盡鵠鵬翼夜云深矣依稀樓外吹笛

酬歸德侯仲衡

天陰歲暮正情如中酒人初賦別忽接繁臺書一紙
飛下梁園白雪悼遠傷離撫今追昔字字皆辛切狂
歌數闋垂壺之口都缺每欲窄袖輕衫礪傲道上
小犯寒風冽耳後弓弦聲霹靂一片風毛雨血雅願
終違壯遊未果世事多枝節中宵輾轉布衾今夜難
熱

尤展成招飲草堂同丁飛濤彭雲客宋旣庭
御之卽席分賦同用飛濤韻

別來何久喜今朝坐上五君二仲時坐客共七人齊
作鎮西鸕鷀舞舞罷持杯高詠蹴踏齊梁憑陵晉魏
白眼看唐宋醉雖生肉公然意氣豪縱最是月落
參橫主人留客不放歸鞭控能得幾場花下醉況是
吳宮如夢錦瑟憐誰青萍負我快作臨風弄垂壺缺
盡狂歌亂擊春甕

詠玫瑰花

陡驚春去算風光此際又逢櫻笋拂曉謝娘簾閣畔
忽逗賣花聲韻籃底氤氳擔頭狼籍紫艷濃香噴佳
人競撚看來和露尤俊 最愛別樣心情天然梳掠
偏厭紅英襯揉得花魂魄盡碎另作一番安頓焙入
衾窩薰歸裙縫細細調紅粉玉郎不覺錯疑戴向雲
鬟

八月初十夜對月呈李湘北太史

帝城今夜正萬家齊看一鈎新月炤過龍樓和鳳苑
來照盈顛華髮冷露初零清輝未滿玉宇都清切六
街香霧也知絲管難歇 最是太液詞臣金闥才子
對景偏軒豁退直玉鞭搖闕下鴛瓦一時堆雪白可
騎鯨廣能射虎醉擊珊瑚折料應相念有人孤館愁
絕

初八夜對月飲紀伯紫處士寓

揮杯一笑恰舉頭又見昨宵明月如此清光兼老伴
遺恨真無毫髮蓮子輕拋蘋婆細劈慢取橙虀切風

前倚幌滿城曉角初歇 可惜萬事蹉跎半生偏側
難得胸懷豁誰把銀河墻下瀉快作西山積雪感極
關河愁深砧杵一寸心俱折爲渾脫舞乃公直是奇
絕

初九夜對月飲吳默巖太史寓齋

中宵狂叫憶曹公有語明明白如月更記謫仙當日句
明鏡三千白髮入洛年非游燕才盡幸舍歌辛切空
墻老驥歎霜猛氣難歇 詎料宣武門前長椿寺側
竟見秋堂豁更借一尊桑落酒光汎素蕊飄雪一片
鄉心三更鴈叫拚把刀環折角鷹刷羽脫韁固是橫
絕

初十夜對月同山右吳天章中州彭中郎吳

門周子倣章素文飲汪鈍庵戶部寓廬

虎丘石上記曾經看過幾場秋月錦隊花城渾不夜
一縷歌喉如髮此際他鄉故人對酒一倍關情切爲
歡休晚中原軍鼓初歇 漸覺帝闕寒生天街露悄
醉把雙眸豁地界袁曹多戰鬼危語頭鬚成雪上句